



SAKSPAPIR

Saksnr	Utval	Type	Dato
08/2020	Ombodsutvalet	PS	16.09.2020
64/2020	Kommunestyret	PS	22.09.2020

Sakshandsamar	Arkiv	ArkivsakID
Lin Tove Thomassen	FE-033	20/1250

DIREKTESENDING AV POLITISKE MØTER

Vedlegg:

Rettleiar ved streaming

Rådmannen sitt framlegg til vedtak:

Vaksdal kommune tilbyr publikum og andre å følgja Kommunestyret, Formannskap, Levekår og Bygdeutvikling via kommune-tv.

Direktesending av møter skal også vurderast dersom situasjonen tilseier at det ikkje er mogleg å delta som publikum i opne møter for andre folkevalde organ.

Ombodsutvalet - Sak 08/2020

OMB - Behandling:

Ombodsutvalet drøfta saka.

Boris Groth, Frp la fram forslag om å legge inn Administrasjonsutvalet i rådmannen sitt framlegg til vedtak.

Rådmannen sitt framlegg til vedtak, med Boris Groth sitt tilleggsframlegg vart samrøystes vedteke.

OMB - Tilråding/Vedtak:

Ombodsutvalet si innstilling til Kommunestyret:

Vaksdal kommune tilbyr publikum og andre å følgja Kommunestyret, Formannskap, Administrasjonsutval, Levekår og Bygdeutvikling via kommune-tv.

Direktesending av møter skal også vurderast dersom situasjonen tilseier at det ikkje er mogleg å

delta som publikum i opne møter for andre folkevalde organ.

Kommunestyret - Sak 64/2020

KOM - Behandling:

Ombodsutvalet si innstilling vart samrøystes vedteke.

KOM - Tilråding/Vedtak:

Vaksdal kommune tilbyr publikum og andre å følgja Kommunestyret, Formannskap, Administrasjonsutval, Levekår og Bygdeutvikling via kommune-tv.

Direktesending av møter skal også vurderast dersom situasjonen tilseier at det ikkje er mogleg å delta som publikum i opne møter for andre folkevalde organ.

Saksopplysningar:

Ombodsutvalet diskuterte følgjande i møte 2.12.19, sak 02/2019.

«For å følgje med på korleis dette utviklar seg, ønskjer kommunen først å gjennomføre streaming av alle kommunestyremøta. På sikt er det eit ønske om å streame andre møter som t.d. møter i Formannskapet, Levekår- og Bygdeutviklingsutvalet.

Det vil vere fornuftig at rådmannen utarbeider retningslinjer for streaming av møter.»

Sidan november 2019, har kommunen sendt alle kommunestyremøta direkte. Etter korona-utbrotet i vår, fekk innbyggjarane tilbod om å følgje kommunestyret og formannskapet via kommune-tv i perioden då det ikkje var mogleg å vere publikum i møte.

Erfaringane så langt frå administrasjonen er at systemet er praktisk enkelt å handtere, med oppstart, pause i sending og slutt. I denne perioden har vi opplevd eit avvik. Eit lydlaust testklipp med bilete av møtedeltakarar frå eit anna møte, vart publisert like før møtestart for kommunestyret. Systemeargar hadde i utgangpunktet sett sperrer for at ei slik hending skal kunne oppstå, dei har ikkje gjeve tilbakemelding på kvifor det oppstod. Avviket førte til ei presisering i rutineane om at testsendingar skal skje utan personar til stades i lokalet.

Korona-pandemien vil mest sannsynleg påverke hausten i større grad enn ønska. Folkevalde, administrativt tilsette og andre som deltek i møta synes å vere komfortable med både kamera og mikrofon, men rådmannen ber medlemmene i ombodsutvalet om å dele sine erfaringar i møtet.

Korona-pandemien førte også til at eit møte i Administrasjonsutvalet og eit møte i Formannskapet vart sendt direkte i vår og Rådmannen er positiv til å opne opp for å sende møtene frå andre politiske organ fast.

Teknologien utviklar seg hurtig i denne tida vi er inne i. Rådmannen har utarbeida retningslinjer/rutinar for streaming som du finn vedlagd. Desse må kunna endrast i takt med utviklinga og ein ber om at Ombodsutvalet kjem med innspel til retningslinjene utan politisk vedtak.